

**MODIFICACIONES NOS CRITÉRIOS  
DE AVALIACIÓN  
TERCEIRA E ORDINARIA**

**EPV<sup>e</sup>A**



## RESUMO

### PROCESO DE AVALIACIÓN DOS ALUMNOS/AS.

Fixado na reunión do D.D. de E.P.V. e A., luns 6 de setembro de 2021, para o curso académico 2021 / 2022.

Revisado na reunión do D.D. de E.P.V. e A., 21 de febreiro do 2022, para a 3ª Avaliación e Avaliación Ordinaria de xuño.

*As modificacións ou aclaracións, feitas no proceso de avaliación, serán escritas nesta cor.*

#### PAUTAS DE AVALIACIÓN PRESENCIAL.

O Departamento de Educación Plástica, Visual e Audiovisual a partir da metodoloxía exposta no proxecto didáctico, programa unha avaliación continua de métodos, onde o alumno/a será avaliado na mellora da súa comprensión e expresión plástica dentro do seu proceso de ensino-aprendizaxe. Dita avaliación levarase a cabo mediante a realización de varias probas puntuais que permitan avaliar o nivel acadado polo alumnado tanto de contidos como de competencias. Os contidos serán desenvolvidos mediante a realización de láminas e/ou proxectos sendo imprescindible unha realización mínima para a superación de cada unha das avaliacións e do curso. Todo isto sen esquecer a avaliación individualizada de cada alumno/a, tendo en conta os seus coñecementos previos e os esforzos realizados ó longo do curso para chegar a acadar os contidos fixados polo Departamento. Valorarase tamén a participación na clase e a asistencia á mesma co material indicado para cada circunstancia.

#### PROCEDEMENTOS DE AVALIACIÓN:

Realizarase unha avaliación por trimestre, tendo en conta as datas establecidas no Claustro para as mesmas e os contidos acadados. Os procedementos para avaliar en cada unha das avaliacións trimestrais serán os seguintes:

1.- Exercicios prácticos, presentaranse unha serie de Láminas Primarias ou Obrigatorias (cos exercicios realizados e corrixidos na clase), Láminas Secundarias ou Opcionais, e Traballos Específicos (Proxectos ou traballos escritos) individuais ou en grupo, propostos polo profesor que imparte a materia.

Para cada lámina PRIMARIA-OBRIGATORIA ou PROXECTOS, o profesor fixará unha data límite de entrega. Pasada esta data a lámina ou proxecto será valorado/a como Apto/a ou Non Apto/a, tendo en conta o acerto conceptual e formal dos traballos, o trazado, a limpeza e un mínimo de nivel de calidade. É importante ter entregadas todas as láminas PRIMARIAS-OBRIGATORIAS ou PROXECTOS fixados polo profesor da materia, dentro da data tope sinalada. Se non se entregou algunha lámina das PRIMARIAS no prazo final fixado, data do exame de cada parcial, esta constará cunha nota de cero para facer media.

Aquelas láminas PRIMARIAS-OBRIGATORIAS que sexan imposibles (*artístico*), polo seu tempo de execución, de realizar nunha proba de avaliación, no caso de non ser entregadas polo alumno, ademais de ser avaliadas con cero, supoñeran un -1 na media da nota acadada nas láminas PRIMARIAS-OBRIGATORIAS entregadas.

O número de láminas SECUNDARIAS-OPCIONAIS a realizar para conseguir os dous puntos por avaliación, será en función da súa dificultade, sendo estas entre catro e dez por parcial. Na mesma semana do exame só se recollerán láminas obrigatorias e non se aclararan dúbidas polo Departamento. Todas estas láminas opcionais terán un nivel adecuado de calidade na súa presentación, trazado e limpeza, para optar a súa valoración.

2.- Controis Teórico-Prácticos, 1º e 3º ESO, constarán dunha parte teórica que será entre un 15% e un 35% e unha práctica, entre un 85% e un 65%, con exercicios realizados, na práctica, nas horas de clase.

No caso de 4ºESO, poderá substituírse a parte teórica dos exames por traballos, cun valor de 1 punto a sumar ao exame da avaliación, cun máximo dun traballo por avaliación e un mínimo dun por curso. A parte práctica constará de exercicios baseados nos feitos na clase. Puntuaranse os traballos como especifica a parte da programación relativa a 4ºESO.

3.- Consideraranse cunha Avaliación positiva da materia aqueles alumnos/as que cumpran os criterios de avaliación tras superar as tres avaliacións. A nota de cada avaliación, será o resultado da valoración do ou dos controis trimestrais sobre os contidos, e de todos os traballos e láminas presentados en prazo, tendo en conta as capacidades de cada alumno/a.

4.- Rematada a fase de avaliación, aqueles alumnos/as que non acaden os contidos do trimestre a avaliar, realizarán unhas probas de recuperación. Na proba de recuperación do terceiro trimestre darase a posibilidade de recuperar a materia aos alumnos que teñan trimestres avaliados negativamente nas probas de recuperación anteriores. *Esto sería na Terceira Avaliación.*

5.- Para os alumnos que acaden unha avaliación negativa nas avaliacións puntuais durante o curso, programaranse diferentes actividades de reforzo, a criterio do profesor, coas que o alumno poderá reincorporarse á marcha do grupo. Nestas probas contéplase tamén, e cando o profesor o considere necesario, que o alumno/a realice algunhas láminas ou traballos a maiores, que deben ser presentadas dentro dun prazo prefixado, pasando estes traballos a ser de carácter obrigatorio. *Isto pasará a ser efectivo tamén nas dúas últimas semanas de curso.*

6.- O alumno/a entregará, por parciais e ao final de curso, tal como considere o profesor, todas as láminas e traballos propostos no curso académico, máis os propostos para el en particular se fose o caso, encarpados segundo criterio do profesor que imparte a materia, dentro da data tope sinalada, presentación que se valorará o final do curso.

### **PORCENTAXE DE CADA UNHA DAS PARTES NA NOTA:**

#### **Controis de conceptos prácticos e teóricos:**

*Representarán un 50% da nota da avaliación. Cada avaliación terá un ou dous controis parciais.*

#### **Actividades prácticas LÁMINAS PRIMARIAS-OBRIGATORIAS:**

*Representan, despois de facer a súa media aritmética, un 40% da nota da avaliación.*

#### **Láminas SECUNDARIAS-OPCIONAIS e actitude diaria ante a materia na clase:**

*Representarán un 10% da nota da avaliación.*

### **ACLARACIÓNS SOBRE PROXECTOS E LÁMINAS:**

Todas as láminas/proxectos entregados no prazo fixado estarán valorados sobre 8, se non chegasen a un mínimo de calidade serán cualificados como Non Aptos (NA) implicando a súa repetición obrigatoria.

No caso dos proxectos de 4ºESO a súa nota fará media coa media das láminas primarias ou obrigatorias.

No caso das láminas/proxectos, Primarios-Obrigatorios, entregados fóra de data, se teñen un mínimo de calidade, serán avaliados como Apto (A), cunha nota máxima de 5 sobre 8. Se non tivesen unha calidade mínima se cualificarán como Non Apto (NA), implicando a súa repetición obrigatoria. Despois do último exame de cada parcial, os láminas/proxectos Primarios-Obrigatorios non entregados, serán valorados cun cero.

Aclárase que:

- Unha lámina NA é unha lámina non entregada.
- Non se corrixirán mais dun 50% das láminas obrigatorias do trimestre no último prazo de entrega.
- Queda ao criterio do profesor os casos xustificadas de falta de asistencia ao Centro.

### **AVALIACIÓN EXTRAORDINARIA DE XUÑO**

~~Nas probas Extraordinarias de XUÑO non será obrigatoria a entrega de tódolos traballos feitos durante o curso.~~

~~A proba da Convocatoria Extraordinaria de XUÑO consistirá na realización dun exame teórico-práctico do exposto como materia impartida na memoria final de curso do D.D.E.P.V e A. Podendo chegar a parte teórica ata un 50% da valoración da proba, sendo o restante a parte práctica, debuxo xeométrico.~~

### **AVALIACIÓN ORDINARIA DE XUÑO**

#### **PARA OS ALUMNOS QUE XA SUPERARAN A MATERIA NA TERCEIRA**

Prográmanse actividades de ampliación sendo estas valoradas sobre 1 punto, a subir na nota da TERCEIRA.

Valoración sobre un 10% da nota total.

#### **PARA OS ALUMNOS QUE NON SUPERARAN A MATERIA NA TERCEIRA**

Terán a posibilidade dunha nova proba ou exame na que se lles avaliará da materia do curso. Está proba será cos mesmos porcentaxes das probas anteriores (entre teoría e práctica). Esta proba será un 50% da nota da AVALIACIÓN ORDINARIA.

O outro 50% da nota será a das láminas obrigatorias+opcionais, podendo entregar, do 6 ao 10 antes da proba final só obrigatorias, seguindo as pautas indicadas polo profesor, pautas que estarán a disposición do alumno.

Se non entregara as láminas propostas farase media cos entregadas ata ese momento polo alumno, superando a materia se a media entre a parte practica e teorica é de 5 ou máis.

Se o alumno parte dunha avaliación suspensa, a nota nesta fase non superará nunca o 7.

Se o alumno parte de dúas avaliacións suspensas, a nota nesta fase non superará nunca o 6.

Se o alumno parte de tres avaliacións suspensas, a nota nesta fase non superará nunca o 5.

XD de EPVeA do IES de Víos:



21 de Febreiro do 2022